



Ulloq: 3. februar 2026
Allaffik: Nordatlantkontoret
Sul.sulia: Ditte Konradsen
Refsgaard
Suliap normua: 2025-04791
Takussutissiaq: 3979598

**Kalaallit Nunaanni eqqartuussisarnermik inatsisip
allanngortinneqarnera pillugu inatsit
(Pinngitsaaliilluni akuliunnerit pillugit eqqartuussinerni
najuutinngikkaluarluni atortut elektroniskiusut atorlugit peqataaneq,
oqarasuaatikkut oqaluussisumik naalaarneq aamma oqarasuaatit
sorliit piffissami aalajangersimasumi oqarasuaammut
aalajangersimasumut atassuteqarsimanersut pillugit aalajangiinermik
pissarsiniarnermut suleriaaseq piuminarsagaq, nutarterinerit allat
il.il.)**

TUSARNIAANERMUT NALUNAARSUUT OQAASERTALERSUGAQ

Ujarliutit

1. Tusarniaaneq	2
1.1. Piffissaq tusarniaaffiusoq	2
1.2. Oqartussat suleqatigiiffiillu il.il. tusarniaavigineqartut.....	2
2. Tusarniaanermi akissutit	4
2.1. Inatsisissatut siunnersuummut nalinginnaasumik oqaaseqaatit	4
2.2. Inatsisissatut siunnersuummi immikkoortunut ataasiakkaanut oqaaseqaatit	4
2.2.1. Akissarsiat pillugit suliat aalajangeqqitassanngortinneqartarnerisa killilerneqarnerat	4
3. Inatsisissatut missingiummut naleqqiullugu inatsisissatut siunnersuut ...	6

1. Tusarniaaneq

1.1. Piffissaq tusarniaaffiusoq

Kalaallit Nunaanni eqqartuussisarnermik inatsisip allanngortinneqarnera pillugu inatsit (Pinngitsaaliilluni akuliunnerit pillugit eqqartuussinerni najuutinngikkaluarluni atortut elektroniskiusut atorlugit peqataaneq, oqarasuaatikkut oqaluussisumik naalaarneq aamma oqarasuaatit sorliit piffissami aalajangersimasumi oqarasuaammut aalajangersimasumut atassuteqarsimanersut pillugit aalajangiinermik pissarsiniarnermut suleriaaseq piuminarsagaq, nutarterinerit allat il.il.) pillugu siunnersuummut missingiut piffissami 10. december 2025-imiit ulloq 14. januar 2026-imut (ulluni 36-ini) oqartussaasunut, suliniaqatigiiffinnut il.il. arlalinnut tusarniutigalugu nassiunneqarsimavoq.

Aammattaaq inatsisissatut siunnersuummut missingiut ulloq 10. december 2025 Folketingip Grønlandsudvalgianut aamma Folketingip Retsudvalgianut ilisimatitsissutitut nassiunneqarsimavoq.

Tamatuma saniatigut inatsisissatut siunnersuut ulloq 10. december 2025 Høringsportalen-imi tamanut saqqummiunneqarpoq.

1.2. Oqartussat suleqatigiiffiillu il.il. tusarniaavigineqartut

Oqartussat suleqatigiiffiillu il.il. tusarniaavigineqartut pillugit ataani alfabeti malillugu nalunaarsuutit ataani takuneqarsinnaapput.

Tusarniaavigineqartunut ataasiakkaanut tusarniaanermut akissut tiguneqarsimanersoq, aamma tusarniaavigineqartoq taamaattoqarsimappat inatsisissatut siunnersuutip missingiutaanut oqaaseqaateqarsimanersoq krydsiligassami taaneqarput.

Soqutiginnitsinit allanit inatsisissatut siunnersuummut missingiummut oqaaseqaatinik Inatsiseqarnermut ministereqarfik tigusaqarsimanngimmat, maluginiarneqassaaq.

Tusarniaavigineqartoq	Tusarniaanermut akissut tiguneqarsimavoq	Oqaaseqaatit	Oqaaseqaateqanngilaq	Tusarniaanermut akissute- qarusunngilaq
------------------------------	---	---------------------	-----------------------------	--

Advokatrådet				
Amnesty International				
Avannaata Kommunua				
CEPOS				
Danske Advokater				
Dansk Erhverv				
Datatilsynet				
Den Danske Dommerforening				
Kalaallit Illuutaat				
Det Kriminalpræventive Råd				
Kalaallit Nunaanni Digitalinngortitsinermut Aqutsisoqarfik,	X		X	
Dommerfuldmægtigforeningen	X			X
Domstolsstyrelsen	X		X	
Foreningen af Advokater og Advokatfuldmægtige				
Kalaallit Nunaanni illersuisut peqatigiiffiat				
Sulisitsisut	X		X	
Nunatsinni Eqqartuussisuuneqarfik	X		X	
Grønlands Politiforening				
Kalaallit Nunaanni Inuit Pisinnaatitaaffii pillugit Siunnersuisoqatigiit				
Inuttut Pisinnaatitaaffinnut Institutti				
Ilisimatusarfik – inatsisilerinermut tunngasumik fakulteti				
IT-Politisk Forening				
Justitia				
Kommune Kujalleq				
Kommune Qeqertalik				
Kommuneqarfik Sermersooq	X		X	
Najukkani Eqqartuussisut Peqatigiiffiat				

Landsforeningen af Forsvarsadvokater				
Landsforeningen KRIM				
Nunatta Illersuisuunera				
Nunatsinni Advokatit				
Offerrådgivningen i Danmark				
PiSiu (Pinerlutsaaliuinnermut Siunnersuisoqatigiit)	X		X	
Politiforbundet	X		X	
Ingerlatitseqqinnissamik Aalajangiisartut	X	X		
Qeqqata Kommunia				
Retspolitisk Forening				
Nunatsinni Eqqartuussivik				
Retterne i Danmark - Vestre Landsret	X			X
Naalagaaffiup isertortumik paasiniaasartuinik Nakkutilliisut	X		X	

2. Tusarniaanermi akissutit

2.1. Inatsisissatut siunnersuummut nalinginnaasumik oqaaseqaatit

Inatsisissatut siunnersuummut nalinginnaasumik oqaaseqaatinik Inatsiseqarnermut ministereqarfik tigusaqarsimanngilaq.

2.2. Inatsisissatut siunnersuummi immikkoortunut ataasiakkaanut oqaaseqaatit

2.2.1. Akissarsiat pillugit suliat aalajangeqqitassanngortinneqartarnerisa killilerneqarnerat

Akissarsiat pillugit akiliisitsisarnermut eqqartuussiviup aalajangiinerinik, qallunaat eqqartuussisarnermik inatsisaanni § 584 a, imm. 3-mut assingusumik, aalajangeqqitassanngortitsisinnaaneq pillugu ilanngussisoqarsimanera takuneqarsinnaanngitsoq aamma tassunga atatillugu taamaaliortoqarneranut pissutaasinnaasutut Kalaallit Nunaanni eqqartuussisarnermik inatsimmi § 612-imi aalajangersagaq innersuussutigalugu, **Ingerlatitseqqinnissamik aalajangiisartut**

maluginiarpaat. Qallunaat eqqartuussisarnermik inatsisaanni § 968, imm. 4-imi pillaatissiinissamik suliani akissarsiat pillugit aalajangeqqitassanngortitsinermut annerpaamik 50.000 kr.-inut killiliussaq pillugu malittarisassaq eqqunneqarsimammat, Ingerlatitseqqinnissamik aalajangiisartut aammattaaq maluginiarpaat.

Inatsisissatut siunnersuummi aalajangeqqitassanngortitsisinnaaneq pillugu § 1, nr. 11-imi aalajangersagassatut siunnersuutigineqartoq saqitsaannernut sulianut atuummat, matumani Folketingstidende [X] malillugu, [Kalaallit Nunaanni eqqartuussisarnermik inatsisip aamma Kalaallit Nunaanni pinerluttulerineri inatsisip allanngortinneqarnerat pillugit inatsimmi (Kalaallit Nunaanni eqqartuussisarnermik inatsisip nutarterneqarnera il.il.)], nr. X-imi oqaaseqaatit malillugit, § 517 b, imm. 1-imi periaaseq assigalugu saqitsaannerit pillugit eqqartuussivimmi suliat aamma eqqartuussummik naammassisitsiniaasartumi suliat ilanngullugit, tusarniaanermi akissummum atattillugu Inatsiseqarnermut ministereqarfiup ilisimatitsissutigisinnaavaa. Tassunga atattillugu Kalaallit Nunaanni eqqartuussisarnermik inatsimmi § 612 aamma innersuussutigineqarpoq.

Inatsisissatut siunnersuummi imm. 2.7-ip ataani taaneqartut aamma akissarsiat pillugit saqitsaannernik suliani aalajangiinerit, Nunatsinni Eqqartuussivimmit aalajangerneqartut aalajangeqqitassanngortinneqarnissaannut killiliinerit pillugit Folketingstidende [X] malillugu, [Kalaallit Nunaanni eqqartuussisarnermik inatsisip aamma Kalaallit Nunaanni pinerluttulerineri inatsisip allanngortinneqarnerat pillugit inatsimmi (Kalaallit Nunaanni eqqartuussisarnermik inatsisip nutarterneqarnera il.il.)], nr. X-imi oqaaseqaatit, Inatsiseqarnermut ministereqarfiup aammattaaq innersuussutigisinnaavai. Tassunga Kalaallit Nunaanni eqqartuussisarnermik inatsimmi § 55, imm. 1 malillugu, pinerluttulerineri suliani najukkani eqqartuussiviit suliarinneqqaarfiummata, aammattaaq Inatsiseqarnermut ministereqarfiup maluginiarpaa, taamaattoq § 56 takuuk.

Akissarsiat pillugit aalajangeqqitassanngortitsisinnaanermut killiliineq pillugu malittarisassatut siunnersuutigineqartuni allannguutissanik suliaqarnissaq, tamanna tunngavigalugu Inatsiseqarnermut ministereqarfiup tunngavissaqartinngilaa.

3. Inatsisissatut missingiummut naleqqiullugu inatsisissatut siunnersuut

Inatsisissatut siunnersuummut, tamanut tusarniutigineqarsimasumut naleqqiullugu, inatsisissatut siunnersuummi nutaamik § 1, nr. -imiit 7 ilanngullugu aalajangersakkanik ilanngussisoqarpoq, taakkulu, qallunaat eqqartuussisarnermik inatsisaannut tunngatillugu taakku assigiissarneqarnissaat siunertaralugu, taama tulleriillutik, Nunatsinni Eqqartuussivimmi aamma Nunatta Eqqartuussisuuneqarfiani eqqartuussisup qullersaataa taaguutaata præsidentimut allanngortinneqarnissaasa siunnersuutigineqarnerisa malitsigisaannik aaqqissuinermi allanngortitsinernik imaqarput. Inatsisissatut siunnersuummi § 1, nr. 9-imut oqaaseqaatit erseqqissarneqarnerannik aammattaaq suliaqartoqarpoq, taamaalilluni timitalerlugu takkulluni eqqartuussinerup ingerlanneqarnissaa utaqqineqarsinnaanngippat, imaluunniit allakkut naleqqutinngippat, matumani angallannermi piffissaq atorpeqartussaq aamma angalanermi aningaasartuutit eqqarsaatigineqarneri ilanngullugit, najuutinngikkaluarluni atortut elektroniskiusut atorlugit peqataasinnaanerup atorpeqarsinnaanera takuneqarsinnaanngorpoq.

Tamatuma saniatigut oqaatsitigut, aaqqissuussinermut tunngasunik aamma inatsisilerinikkut pitsaassutsinik isumannaarinninnertut pissuseqartunik allanngortitsinernik ataasiakkaanik suliaqartoqarpoq.